

MEMORIA ECONÓMICA E XUSTIFICATIVA SOBRE O CONVENIO DE COLABORACIÓN ENTRE A XUNTA DE GALICIA, A FEDERACIÓN GALEGA DE MUNICIPIOS E PROVINCIAS E A DEPUTACIÓN PROVINCIAL DE PONTEVEDRA, EN MATERIA DE EMERXENCIAS E PREVENCIÓN E DEFENSA CONTRA INCENDIOS FORESTAIS, PARA O DESENVOLVEMENTO DOS GRUPOS DE EMERXENCIAS SUPRAMUNICIPAIS

ANTECEDENTES

O día 21 de decembro de 2018 o Consello da Xunta de Galicia autorizou a subscripción do convenio de colaboración entre a Xunta de Galicia, a Federación Galega de Municipios e Provincias (FEGAMP) e as Deputacións Provinciais en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais, que contén unha autorización de gasto de carácter plurianual, ao abeiro do artigo 58.1.b) do Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, que abrangue as anualidades de 2019, 2020 e 2021.

O día 26 de decembro de 2018 asinouse polas partes o referido convenio de colaboración, que ten por obxecto a colaboración das distintas institucións participantes en orde a completar o mapa de emerxencias de Galicia mediante o desenvolvemento dos Grupos de Emerxencias Supramunicipais (GES), como grupos operativos en emerxencias de ámbito supramunicipal, para a realización das funcións previstas na cláusula cuarta do propio convenio.

O día 16 de marzo de 2021 asinouse unha addenda ao dito convenio, co obxecto de modificar varias cláusulas e anexos para dar cumprimento aos acordos tomados en diferentes sesións da Comisión Mixta de Seguimento do convenio.

O convenio, tiña un período de vixencia desde o ano 2019 ata o ano 2021. Xa que o dito convenio remata o 31/12/21, enténdese necesario tramitar un novo convenio a fin de garantir a prestación de servizo dado polos GES.

Na reunión mantida entre representantes da Xunta de Galicia, da Deputación Provincial de Pontevedra e da FEGAMP para elaborar unha proposta de convenio de colaboración para o mantemento dos GES con sede nos concellos desta provincia, acordouse asinar un novo convenio por dous anos coas mesmas condicións que o vixente.





OBXECTO DO CONVENIO

Está previsto formalizar entre a Vicepresidencia Primeira e Consellería de Presidencia, Xustiza e Turismo, a Consellería de Medio Rural, a Deputación Provincial de Pontevedra e a FEGAMP un convenio de colaboración en materia de emerxencias e prevención e defensa contra incendios forestais, para o desenvolvemento dos GES durante os anos 2022 e 2023, que terá por obxecto colaborar no desenvolvemento de 9 GES, para completar o mapa de emerxencias da provincia de Pontevedra; a participación dos mesmos en tarefas de prevención de incendios e a colaboración na extinción de incendios forestais.

RAZÓNS QUE ACREDITAN O PROCEDEMENTO DE CONCESIÓN DIRECTA

En relación co disposto no artigo 40.2.a) do Decreto 11/2009, do 8 de xaneiro, polo que se aproba o regulamento da Lei 9/2007, de subvencións de Galicia, as razóns que acreditan o interese público e polo tanto a concesión directa destas subvencións están acreditadas, posto que a realización do maior número posible de actuacións benefician non só ás administracións asinantes, senón á cidadanía en xeral, pois estas tarefas contribúen a minorar e mesmo a evitar as consecuencias económicas e ambientais das emerxencias e dos incendios forestais.

ACHEGA ECONÓMICA PARA A EXECUCIÓN DAS ACTUACIÓNS

Os GES están financiados polas seguintes partes asinantes do convenio:

- A Xunta de Galicia a través da Vicepresidencia Primeira e Consellería de Presidencia, Xustiza e Turismo e a Consellería de Medio Rural
- A Deputación Provincial de Pontevedra
- As entidades locais que se adhiran a este convenio

A contribución ao financiamento da Vicepresidencia Primeira e Consellería de Presidencia, Xustiza e Turismo, en materia de emerxencias para os GES e Servizos Municipais fixarase en:

1. Para o financiamento dos servizos municipais: cento trinta e un mil douscentos cincuenta euros 131.250,00€ para o ano 2022 e cento trinta e un mil douscentos cincuenta euros 131.250,00€ para o ano 2023, financiándose con cargo aos orzamentos xerais da Comunidade Autónoma de Galicia. Esta cantidade será financiada pola Dirección Xeral de Emerxencias e Interior, con cargo á aplicación orzamentaria 05.25.212.A.460.1.
2. Para o financiamento dos gastos de funcionamento dos GES e servizos municipais (gastos correntes en bens e servizos), a Dirección Xeral de Administración Local achegará cento corenta e un mil setecentos cincuenta euros (141.750,00€) para o ano 2022 e cento corenta e un mil setecentos





cincuenta euros (141.750,00€) para o ano 2023, con cargo á aplicación orzamentaria 05.23.141.A.461.1.

A contribución ao financiamento da Consellería do Medio Rural en materia de extinción de incendios, para os GES, fíxase en novecentos nove mil douscentos setenta e catro euros con dezaioito céntimos (909.274,18 €) para o ano 2022 e novecentos nove mil douscentos setenta e catro euros con dezaioito céntimos (909.274,18 €) para o ano 2023, financiándose con cargo aos orzamentos xerais da Comunidade Autónoma de Galicia. Esta cantidade será financiada pola Dirección Xeral de Defensa do Monte, con cargo á aplicación orzamentaria 14.02.551.B.760.0 código de proxecto 2011 00771. A Dirección Xeral de Defensa do Monte librará un pagamento anticipado do 100% de cada anualidade, logo da solicitude da entidade local, na primeira anualidade logo da sinatura do convenio e no ano 2023 no primeiro trimestre.

En consecuencia a contribución anual da Xunta de Galicia ao financiamento deste convenio en materia de emerxencias e extinción é de 1.182.274,18 €

O beneficiario destas axudas serán as entidades locais nos que se sitúan as sedes e as subsedes dos GES según o reparto do Anexo II.

A contribución ao financiamento por parte dos concellos será efectuada directamente por cada entidade local aos traballadores contratados, con cargo aos seus respectivos orzamentos na contía que lle corresponde, segundo o anexo II ascende a un total de 176.500,00 €, nos anos 2022 e a mesma cantidade en 2023.

A contribución ao financiamento dos GES e Servizos Municipais da Deputación Provincial de Pontevedra é de novecentos corenta e un mil trescentos trinta e tres euros con trinta e catro céntimos (941.333,33€) no ano 2022 e a mesma cantidade no ano 2023.

A Consellería do Medio Rural para a realización das actuacións en materia de prevención de incendios forestais achega ao presente convenio cincuenta e tres mil douscentos vinte e cinco euros con oitenta e tres céntimos (53.225,82 €) para o ano 2022 e cincuenta e tres mil douscentos vinte e cinco euros con oitenta e tres céntimos (53.225,82 €) para o ano 2023, que serán cofinanciados con fondos FEADER, con cargo á aplicación orzamentaria 14.02.551.B.760.0 - 2016 00212, de acordo co especificado no anexo IV.

A porcentaxe a subvencionar será do 100% do investimento elixible ou subvencionable, sometida a unha cofinanciación do 75% de fondo FEADER, dun 7,5 % pola Administración Xeral do Estado (AXE) e nun 17,50% pola Xunta de Galicia.

Santiago de Compostela, data da sinatura electrónica
O director xeral de Defensa do Monte
Manuel Rodríguez Vázquez

